



HAcho filius fuit Amundi regis Sueonū. Hic uiuente adhuc patre, res magnificas gessit, quas alij eius ætatis proceres potius admirari quā imitari ualuerunt: Omnem enim regni sollicitudinem suscipiens, fratribus maris littora commendauit, ipse uerò Occidentalibus Oceani Insulis bellū intulit. Cum aut̄ postea percepisset duos fratres à Danis nauali prælio oppressos, totius exercitus sui robur ex Hybernia in Danos conuertere properauit. In ea profectioe multi militum metu perculsi ab eo recesserunt. Verū ipse cū reliquis pergens, Sigarum Danorū regem interfecit, atq; Daniā sibi tributariā reddidit. Postea patri in regno Sueo-

num successit, & res multas magna dexteritate peregit, anno 250. Cum in eo loco per aliquot annos feliciter præfuisset, obiit, & Ingonem successorem accepit. Ioan. Mag. lib. 7. cap. 7.